

議而未定也大司成以下巡徃四學講書製述勸獎事方欲議之而未定也

史臣曰生員之圓點亦表世之事况勸學之圓點乎興學校之本固不在此也盍言其本矣乎

尹旣又曰博士倚席不講朋徒相視怠散學庭寥落烏鵲聚噪極為傷心圓點非教誨之本而只長遊惰之習太司成以下巡徃四學亦虛文也若擇合於師儒者而又任則自有成效上曰學校之弊所啓當矣今之士習怠惰已成此予之鼓舞振作之道不誠也後所啓立法可也○永川郡守沈義儉同福縣監鄭彥懿竹山縣監申誠珍島郡守李順壽呂島權管金璫拜辭上引見于思政殿教戒而遣之○上御夕講○日暈兩珥重珥又有冠色皆內青外赤夜長方東方異方南方如火氣

丁丑 上御朝講掌令李希儉啓學校頽廢之意 上曰學校

事昨日經席右相尹旣言之矣禮曹同議擇有經術者以為師儒而勤勤教誨可也領經筵事尹元衡曰人物有限難以擇差請